

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-1571/20  
Sarajevo, 15.10.2020. godine

**Z A P I S N I K**  
**7. SJEDNICE DOMA NARODA PARLAMENTA FEDERACIJE BOSNE I  
HERCEGOVINE, održane 1. i 15. 10. 2020. godine**

Sjednica je počela sa radom u 13:24 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegate, predstavnike Vlade Federacije Bosne i Hercegovine te predstavnike medija.

Izostanak sa sjednice su najavili: Mladen Lonić i Žarko Vujović.

Prema evidenciji Stručne službe, sjednici prisustvuju 54 delegata što čini većinu pa Dom naroda može raditi i punovažno odlučivati.

Potom se prešlo na glasanje o zapisniku sa 6. sjednice.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH bez primjedbi, sa 54 glasa za usvojio Zapisnik 6. sjednice Doma naroda Parlamenta FBiH održane 29.7.2020. godine.

Predsjedavajući je potom predložio da se rasprave odvijaju unutar vremenskog roka od pet minuta, te je konstatovao da je sa 54 glasa za ovaj prijedlog usvojen.

Nakon toga predsjedavajući podsjetio delegate da, na osnovu člana 104. Poslovnika o radu Doma naroda Parlamenta Federacije Bosne i Hercegovine, ukoliko žele mogu postavljati delegatska pitanja ili pokretati inicijative

### **Delegatska pitanja i inicijative**

**Dragan Stevanović** je pokrenuo inicijativu za donošenje izmjena i dopuna Zakona o zdravstvenoj zaštiti i Zakona o liječništvu u FBiH po hitnom postupku.

**Hadis Jusić** je postavio dva pitanja.

Prvo pitanje postavio je Ministarstvu sigurnosti BiH: Koliko je povučeno sredstava iz međunarodnih organizacija za problem migranata, koliki se iznos od tih sredstava odnosio na humanu komponentu a koliki iznos na sigurnosnu komponentu?

Drugo pitanje postavio je JP „Ceste Federacije BiH “u vezi dostave informacije o historijatu dionice, odnosno magistralnog puta Bihać - Bosanska Krupa čija gradnja je počela prije 30 godina.

Također upitao koliko se godišnje iz direkcije Cesta Federacije BiH izdvaja na vanredno održavanje postojeće dionice puta Bihać - Bosanska Krupa kroz kanjon rijeke Une.

**Elmedin Konaković** je izrazio nezadovoljstvo ponašanjem premijera Vlade Federacije BiH u vezi sa proteklim dešavanjima.

**Rasim Pajić** je postavio pitanje Vladi Federacije BiH u vezi Inicijative koju je podnijela JU Direkcija za regionalne ceste USK vezano za Zakon o upisu javnih dobara u zemljišne knjige?

**Boris Krešić** je izrazio nezadovoljstvo što nije dobio odgovor na tri delegatska pitanja od kojih je dva postavio Ministarstvu pravde FBiH, a jedno Federalnom ministarstvu finansija.

**Aner Žuljević** je zatražio od Agencije za bankarstvo Federacije BiH dostavu informacije o tome da li je vršila kontrolu nadzora implementacije svojih odluka o moratoriju i, ako jeste, kakav je nalaz.

**Slađan Ilić** je postavio pitanje Vladi Federacije BiH, odnosno Federalnom ministarstvu poljoprivrede, vodoprivrede i šumarstva u vezi isplate novčane podrške za kapitalne investicije iz 2012. godine jer prilikom formiranja Programa utroška sredstava za 2020. godinu novčanih potpora obezbijeđena su sredstva u visini od 2,5 miliona za zaostale predmete iz 2012. godine.

**Damir Marjanović** je postavio nekoliko pitanja.

Prvo pitanje postavio je premijeru Vlade Federacije BiH u vezi popune pozicije federalnog ministra obrazovanja i nauke.

Drugo pitanje postavio je Federalnom ministarstvu obrazovanja i nauke u vezi izjave jedne od uposlenica ovog Ministarstva, s obzirom na to da nema ministricu niti ministra, o pripremi Plana i programa nekog vida obrazovanja gdje se učenici neće ocjenjivati, stoga je pitanje da li je to zvanični stav Federalnog ministarstva? Da li postoji dokument na osnovu kojeg je ta izjava došla? Da li je to zvanična izjava u ime Ministarstva ili je to izjava neke od osoba u medijima, a ne iz Ministarstva?

Dva pitanja postavio je Federalnom ministarstvu zdravstva, gospodinu Vjekoslavu Mandiću.

Prvo pitanje bilo je: Koliko testova ima na raspolaganju i koji vremenski period se može „pokriti“ sa tim brojem testova?

Drugo pitanje bilo je: Koji tip PCR testova tačno se koristi i koje znanstveno tijelo odlučuje koji će se tip PCR testova koristiti?

Delegat Marjanović je također tražio od ministra Mandića da pojasni kako nešto što je u naredbi ne treba da bude naređenje nego da bude obavezujuća preporuka?

**Ljubinka Atanasijević** je pokrenula inicijativu da Dom naroda Parlamenta FBiH usvoji Zaključak kojim se zadužuje Vlada Federacije BiH da pripremi materijale o realizaciji 14 tačaka mišljenja Europske komisije o Zahtjevu BiH za članstvo u EU kako bi se isti razmatrali na sjednici Doma naroda.

**Zvonko Marić** je postavio pitanje za Vladu Federacije BiH i nadležnom federalnom ministru a tiče se olakšica vezanih za poslovanja, te diskriminacije različitih privrednih

subjekata u smislu da ne važe ista pravila za sve. Također je izrazio nezadovoljstvo odnosom članova Vlade Federacije BiH kada je u pitanju davanje odgovora na delegatska pitanja.

**Sandra Imširović** je postavila pitanje Federalnom ministarstvu unutrašnjih poslova: Da li je u toku svog mandata poduzeo bilo kakve mjere kako bi se spriječilo ilegalno prebacivanje migranata sa teritorije RS na teritoriju FBiH te ukoliko jeste, koje su sve mjere poduzete. Ukoliko nisu do sada poduzete nikakve mjere, a planiraju se poduzeti u narednom periodu zamolila je da se dostavi odgovor sa objašnjenjem koje su to mjere.

**Rasim Kantarević** je postavio pitanje premijeru Vlade Federacije BiH: Kada će Vlada Federacije BiH izvršiti uplatu neizmirenih doprinosa prema PIO na ime uvezivanja radnog staža radnicima iz preduzeća iz većinski državnog vlasništva a koji su stekli pravo na penzionisanje.

**Stipan Šarac** je zatražio od premijera Vlade Federacije BiH objašnjenje na osnovu čega su neki zaključci, usvojeni u Domu naroda Parlamenta Federacije BiH, realizirani od strane Vlade Federacije BiH a neki nisu.

**Zdenka Džambas** je obavijestila predsjedavajućeg kao zamjenica Zakonodavnoppravne komisije da ta komisija ne radi i da još nije održala niti jednu sjednicu.

**Ramo Isak** je postavio pitanje JP „Autoceste Federacije BiH“ u kojem traži da se dostavi na uvid Ugovor koji je potpisan između Grada Zenice i Autocesta Federacije BiH i zatražio na uvid da li postoje sve potrebne dozvole za odlaganje nekog materijala kao i dostavljanje finansijskog izvještaja o tome koliko su Autoceste Federacije BiH uplatile sredstava na račun Grada Zenice.

**Damir Džeba** je napomenuo da do sada nije dobio odgovor na pitanja koji je postavio Upravnom odboru, Programskom vijeću i direktoru RTV Federacije i pitanje vezano za Komisiju za koncesije, te ukoliko vrlo brzo ne dobije odgovor na postavljeno pitanje u pisanom obliku, podnijet će inicijativu Domu naroda Parlamenta FBiH za osnivanje odbora za utvrđivanje činjenica o zakonitosti rada Federalne televizije.

**Senad Ahmetović** je postavio nekoliko pitanja.

Upitao je Vladu Federacije BiH i Ministarstvo zdravstva Federacije BiH: Koliko pacijenata je preživjelo ili skinuto sa respiratora, a da su bolovali od COVID-19 na KCUS-u? Nadalje, tražio je od nadležnih da se Centralnoj izbornoj komisiji BiH predloži pojačanje kontrole glasova putem pošte zbog smanjenja zloupotrebe. Zatražio je da delegati ne dobijaju informacije od IFIMES-a putem e-maila, da se stanje robnih rezervi objavljuju na dnevnoj bazi i napravi raspored raspodjele ukoliko dođe do proglašenja stanja nesreće, zatim da se sjednice održavaju online kao i to da se što prije formira Vlada Federacije BiH.

**Damir Jurišić** je pokrenuo inicijativu prema Ministarstvu pravde Federacije BiH koja se tiče donošenja zakona o izmjenama i dopunama Zakona o sudovima u Federaciji BiH a kojom traži promjenu postojećeg Zakona.

**Jasmin Duvnjak** je pokrenuo inicijativu kojom traži da se za zdravstvene radnike u FBiH omogući besplatno vakcinisanje protiv sezonske gripe. Također je postavio i dva pitanja.

Prvo pitanje je bilo za JP Autoceste Federacije BiH kojim traži da mu se dostavi lista projekata puteva koji će biti sanirani u sklopu Sporazuma o realizaciji projekata iz Programa prijateljskog okruženja prilikom sprovođenja aktivnosti na projektovanju i izgradnji autoceste Koridora Vc kroz teritoriju Grada Zenice.

Drugo pitanje uputio je resornom ministarstvu vezano za Zakon o turističkim zajednicama, Zakon o turizmu i Zakon o boravišnoj taksi kojim traži da mu se dostavi koji su to zakoni u proceduri i na koji način se namjerava konsolidirati oblast turizma u Federaciji BiH, urediti planiranje i ravnomjeran i potpun razvoj turizma.

**Tomislav Martinović** je postavio dva pitanja.

Prvo se odnosi na plan vakcinacije stanovništva u FBiH protiv sezonske gripe, a kojim traži da Vlada Federacije BiH odnosno Federalno ministarstvo zdravlja najkasnije do 10.10.2020. godine dostavi Domu naroda Parlamenta FBiH plan vakcinacije stanovništva FBiH protiv sezonske gripe gdje će biti objašnjeno ko je obuhvaćen, koliko doza vakcine ima i ko će se moći vakcinisati.

Drugo pitanje je bilo upućeno Vladi Federacije BiH a odnosi se na to šta Vlada Federacije BiH planira preduzeti kada je u pitanju turistički sektor u FBiH koji je u totalnom kolapsu te za javni linijski prijevoz koji je u istom ili sličnom stanju.

Nakon postavljenih delegatskih pitanja i inicijativa, prešlo se na utvrđivanje dnevnog reda.

Prije prelaska na utvrđivanje dnevnog reda predsjedavajući je upitao da li ima prijedloga za izmjenu i dopunu dnevnog reda te je u ime predsjednika klubova izložio delegatima predložene izmjene.

Prvi prijedlog se odnosi da to da se u dnevni red uvrsti Prijedlog zakona o izmjeni Zakona o naplati i djelomičnom otpisu dugovanja sportskim kolektivima po hitnom postupku čiji su predlagači Jasmin Duvnjak, Ivo Tadić i Slađan Ilić.

Drugi prijedlog je prijedlog Kolegija Doma naroda Parlamenta FBiH da se u dnevni red uvrsti Prijedlog zakona o hemikalijama.

Naposlijetku, predsjedavajući je predložio da se u dnevni red uvrsti Zaključak Doma naroda o pokrenutim inicijativama delegata i postavljenim delegatskim pitanjima na koje nisu dostavljeni odgovori.

Predsjedavajući je zatim pitao da li još neko ima prijedloga za izmjene i dopune dnevnog reda.

Za riječ se javio Vibor Handžić koji je tražio da se na dnevni red uvrsti Prijedlog rezolucije o prevenciji, smanjenju i suzbijanju COVID-19 u FBiH, te Prijedlog deklaracije o zaštiti rijeka u Federaciji BiH.

Dragan Stevanović je ispred grupe delegata uputio inicijativu prema Kolegiju da se na današnjoj sjednici Doma naroda razmatra i Prijedlog Zakona o zaštiti okoliša u Federaciji BiH.

Predsjedavajući je stavio na glasanje da se u dnevni red današnje sjednice uvrsti Prijedlog deklaracije o zaštiti rijeka u FBiH što je predložio delegat Vibor Handžić.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije prihvatio ovaj prijedlog, jer je za glasalo 29 delegata a uzdržanih je bilo 18.

Budući da je izražena sumnja u rezultate glasanja, sekretar Doma naroda Izmir Hadžiaović izvršio je poimenično izjašnjavanje.

Na osnovu rezultata poimeničnog izjašnjavanja, predsjedavajući je konstatovao da je Dom naroda Parlamenta FBiH sa 36 glasova za i 18 uzdržanih glasova prihvatio da se u dnevni red današnje sjednice uvrsti Prijedlog deklaracije o zaštiti rijeka u FBiH.

Zatim je predsjedavajući stavio na glasanje Prijedlog rezolucije o prevenciji, smanjenju i suzbijanju COVID-19 u FBiH.

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 35 glasova za i 18 suzdržanih glasova prihvatio da se u dnevni red današnje sjednice uvrsti Prijedlog rezolucije o prevenciji, smanjenju i suzbijanju COVID-19 u FBiH.

Nakon toga predsjedavajući je stavio na glasanje Prijedlog zakona o izmjeni Zakona o naplati i djelomičnom otpisu dugovanja sportskim kolektivima po hitnom postupku koji su predložili delegati Jasmin Duvnjak, Ivo Tadić i Slađan Ilić.

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 52 glasa za i jednim suzdržanim glasom prihvatio da se u dnevni red današnje sjednice uvrsti Prijedlog zakona o izmjeni Zakona o naplati i djelomičnom otpisu dugovanja sportskim kolektivima po hitnom postupku (predlagači: Jasmin Duvnjak, Ivo Tadić i Slađan Ilić).

Nakon toga se pristupilo glasanju o uvrštavanju Prijedloga zakona o hemikalijama u dnevni red današnje sjednice..

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 52 glasa za i jednim suzdržanim glasom prihvatio da se u dnevni red današnje sjednice uvrsti Prijedlog zakona o hemikalijama.

Vlada Federacije BiH dostavila je Prijedlog zakona o izmjenama i dopunama Zakona o kaznenom postupku FBiH sa prijedlogom da se isti razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 51 glasom za i dva suzdržana glasa prihvatio da se Prijedlog zakona o izmjenama i dopunama Zakona o kaznenom postupku FBiH razmatra po hitnom postupku.

Vlada Federacije BiH također je dostavila i Prijedlog zakona o izmjeni zakona o zaštiti i postupanju sa djecom i maloljetnicima u kaznenom postupku FBiH sa prijedlogom da se isti razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 45 glasova za i osam suzdržanih glasova prihvatio da se Prijedlog zakona o izmjeni Zakona o zaštiti i postupanju sa djecom i maloljetnicima u kaznenom postupku FBiH razmatra po skraćenom postupku.

Vlada Federacije BiH je dostavila i Prijedlog zakona o izmjenama i dopunama Zakona o faktoringu sa prijedlogom da se razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 50 glasova za i dva suzdržana glasa prihvatio da se Prijedlog zakona o izmjenama i dopunama Zakona o faktoringu razmatra po skraćenom postupku.

Predsjedavajući je stavio na glasanje da se na dnevni red uvrsti još i Prijedlog Zaključka Doma naroda Federacije BiH o pokrenutim inicijativama delegata i postavljenim delegatskim pitanjima na koje nisu dostavljeni odgovori.

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 51 glasom za prihvatio da se u dnevni red sjednice uvrsti Prijedlog Zaključka Doma naroda Federacije BiH o pokrenutim inicijativama delegata i postavljenim delegatskim pitanjima na koje nisu dostavljeni odgovori.

Nakon toga je predsjedavajući stavio na glasanje predloženi dnevni red i na osnovu rezultata glasanja, konstatovao da je Dom naroda Parlamenta Federacije Bosne i Hercegovine jednoglasno sa 48 glasova za i dva suzdržana glasa usvojio sljedeći

## **DNEVNI RED**

1. Prijedlog zakona o izmjenama i dopunama Zakona o krivičnom postupku Federacije Bosne i Hercegovine - hitni postupak,
2. Prijedlog zakona o izmjeni Zakona o naplati i djelomičnom otpisu dugovanja sportskim kolektivima (predlagači: Jasmin Duvnjak, Ivo Tadić i Slađan Ilić, delegati u Domu naroda Parlamenta Federacije BiH) - hitni postupak,
3. Prijedlog zakona o izmjeni Zakona o zaštiti i postupanju sa djecom i maloljetnicima u krivičnom postupku - skraćeni postupak,
4. Prijedlog zakona o izmjenama i dopunama Zakona o faktoringu - skraćeni postupak,
5. Prijedlog zakona o sudskoj policiji u Federaciji Bosne i Hercegovine,
6. Prijedlog zakona o zaštiti na radu,
7. Prijedlog zakona o hemikalijama,
8. Nacrt zakona o provođenju odluka sudova,

9. Nacrt zakona o izmjenama i dopunama Zakona o cestovnom prijevozu Federacije Bosne i Hercegovine,
10. Prijedlog odluke o davanju saglasnosti na Finansijski plan Zavoda za transfuzijsku medicinu Federacije Bosne i Hercegovine za 2020. godinu,
11. Prijedlog odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta registracije nekretnina - dodatno finansiranje,
12. Prijedlog odluke o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj (EBRD) za realizaciju Projekta „Javni prevoz Sarajevo“ - Dio 2,
13. Prijedlog odluke o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj (EBRD) za realizaciju Projekta gradskih saobraćajnica Sarajevo,
14. Prijedlog odluke o prihvatanju zaduženja po Ugovoru o finansiranju između Bosne i Hercegovine i Europske investicijske banke (EIB) za realizaciju Projekta Koridor Vc - Središnji dio,
15. Prijedlog Rezolucije o prevenciji, smanjenju i suzbijanju COVID - 19 u Federaciji BiH (predlagač: Vibor Handžić, delegat u Domu naroda Parlamenta Federacije BiH),
16. Prijedlog deklaracije o zaštiti rijeka u Federaciji Bosne i Hercegovine (predlagač: Vibor Handžić, delegat u Domu naroda Parlamenta Federacije BiH),
17. Prijedlog zaključka o pokrenutim inicijativama i postavljenim delegatskim pitanjima na koje nisu dostavljeni odgovori,
18. Kvartalni izvještaj o dugu Q2/2019,
19. Kvartalni izvještaj o dugu Q3/2019.

### **1. Prijedlog zakona o izmjenama i dopunama Zakona o krivičnom postupku Federacije Bosne i Hercegovine - hitni postupak**

Vlada Federacije Bosne i Hercegovine je utvrdila i dostavila Prijedlog zakona o izmjenama i dopunama Zakona o krivičnom postupku Federacije Bosne i Hercegovine Parlamentu Federacije radi razmatranja i usvajanja.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 5. sjednici održanoj 24.9.2020. godine usvojio Prijedlog zakona o izmjenama i dopunama Zakona o krivičnom postupku Federacije Bosne i Hercegovine u tekstu kako ga je predložila Vlada Federacije.

Prijedlog zakona su razmatrala nadležna radna tijela i dostavila svoje izvještaje.

Prijedlog zakona je obrazložio federalni ministar pravde Mato Jozić.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 32 glasa za, devet glasova protiv i jednim suzdržanim glasom usvojio Prijedlog zakona o izmjenama i dopunama Zakona o krivičnom postupku Federacije Bosne i Hercegovine.

## **2. Prijedlog zakona o izmjeni Zakona o naplati i djelomičnom otpisu dugovanja sportskim kolektivima (predlagači: Jasmin Duvnjak, Ivo Tadić i Slađan Ilić, delegati u Domu naroda Parlamenta Federacije BiH) - hitni postupak**

Prijedlog zakona utvrdili su delegati Jasmin Duvnjak, Ivo Tadić i Slađan Ilić.

U raspravi je učestvovao Tomislav Martinović koji je predložio da se u članu 1. Prijedloga zakona riječi: "nastalog do 30.6.2020. godine", zamjenjuju se riječima: "nastalog do 1.11.2020. godine", što su predlagači prihvatili.

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 46 glasova za usvojio Prijedlog zakona o izmjenama zakona o naplati i djelomičnom otpisu dugovanja sportskim kolektivima sa sljedećim Amandmanom:

U članu 1. Prijedloga zakona riječi: "nastalog do 30.6.2020. godine", zamjenjuju se riječima: "nastalog do 1.11.2020. godine".

## **3. Prijedlog zakona o izmjeni Zakona o zaštiti i postupanju sa djecom i maloljetnicima u krivičnom postupku - skraćeni postupak**

Vlada Federacije Bosne i Hercegovine je utvrdila i dostavila Prijedlog zakona o izmjeni zakona o zaštiti i postupanju sa djecom i maloljetnicima u krivičnom postupku radi razmatranja i usvajanja.



Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 5. sjednici održanoj 24.9.2020. godine usvojio Prijedlog zakona o izmjeni Zakona o zaštiti i postupanju sa djecom i maloljetnicima u krivičnom postupku u tekstu kako ga je predložio predlagač.

Prijedlog zakona su razmatrala nadležna radna tijela i dostavila svoje izvještaje.

Prijedlog zakona je obrazložio predstavnik Federalnog ministarstva pravde Sanjin Pačarić.

U raspravi je učestvovala Segmedina Srna Bajramović.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 29 glasova za, 10 glasova protiv i osam suzdržanih glasova usvojio Prijedlog zakona o izmjeni Zakona o zaštiti i postupanju sa djecom i maloljetnicima u krivičnom postupku.

Delegat Ivo Tadić je izrazio sumnju u rezultate glasanja te zatražio poimenično glasanje.

Sekretar Doma naroda Izmir Hadžić izvršio je poimenično izjašnjavanje.

Na osnovu rezultata poimeničnog izjašnjavanja, predsjedavajući je konstatovao da je Dom naroda Parlamenta Federacije Bosne i Hercegovine sa 31 glasom za, 10 glasova protiv i osam suzdržanih glasova za usvojio Prijedlog zakona o izmjeni zakona o zaštiti i postupanju sa djecom i maloljetnicima u krivičnom postupku.

#### **4. Prijedlog zakona o izmjenama i dopunama Zakona o faktoringu - skraćeni postupak**

Vlada Federacije Bosne i Hercegovine je utvrdila i dostavila Prijedlog zakona o izmjenama i dopunama Zakona o faktoringu radi razmatranja i usvajanja.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 12. sjednici održanoj 23.6.2020. godine usvojio Prijedlog zakona o izmjenama i dopunama Zakona o faktoringu u tekstu kako ga je predložio predlagač.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 45 glasova za i dva suzdržana glasa usvojio Prijedlog zakona o izmjenama i dopunama Zakona o faktoringu.

## **5. Prijedlog zakona o sudskoj policiji u Federaciji Bosne i Hercegovine**

Vlada Federacije Bosne i Hercegovine je utvrdila i dostavila Prijedlog zakona o sudskoj policiji u Federaciji Bosne i Hercegovine radi razmatranja i usvajanja.

Predstavnički dom Parlamenta Federacije Bosne i Hercegovine je na 13. sjednici održanoj 28.7.2020. godine usvojio Prijedlog zakona o sudskoj policiji u Federaciji Bosne i Hercegovine u tekstu kako ga je predložio predlagač.

Prijedlog zakona su razmatrala nadležna radna tijela i dostavila svoje izvještaje.

Prijedlog zakona je obrazložio predstavnik Federalnog ministarstva pravde Sanjin Pečarić.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 45 glasova za i dva suzdržana glasa usvojio Prijedlog zakona o sudskoj policiji u Federaciji Bosne i Hercegovine.

## **6. Prijedlog zakona o zaštiti na radu**

Vlada Federacije Bosne i Hercegovine je utvrdila i dostavila Prijedlog zakona o zaštiti na radu radi razmatranja i usvajanja.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 5. sjednici održanoj 24.9.2019. godine usvojio Prijedlog zakona o zaštiti na radu u tekstu kako ga je predložio predlagač.

Prijedlog zakona su razmatrala nadležna radna tijela i dostavila svoje izvještaje.

Prijedlog zakona je obrazložio federalni ministar rada i socijalne politike Vesko Drljača.

U raspravi je učestvovao Aner Žuljević.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 30 glasova za, 11 glasova protiv i pet suzdržanih glasova usvojio Prijedlog zakona o zaštiti na radu.

## **7. Prijedlog zakona o hemikalijama**

Vlada Federacije Bosne i Hercegovine je utvrdila i dostavila Prijedlog zakona o hemikalijama radi razmatranja i usvajanja.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 5. sjednici održanoj 24.9.2019. godine usvojio Prijedlog zakona o hemikalijama u tekstu kako ga je predložio predlagač.

Prijedlog zakona je obrazložila pomoćnica federalnog ministra zdravstva Snježana Bodnaruk.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 44 glasa za usvojio Prijedlog zakona o hemikalijama.

Sjednica je prekinuta u 16:51 sati.

\* \* \*

Transkript sjednice čini sastavni dio Zapisnika.

### **NASTAVAK SJEDNICE OD 15. 10. 2020. godine**

Sjednica je počela sa radom u 13:15 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegate, predstavnike Vlade Federacije Bosne i Hercegovine te predstavnike medija.

Izostanak sa sjednice su opravdali: Nikica Bosnić, Dragana Damjanović, Senad Ahmetović, Senad Alić, Drago Puzigaća, Ivan Ivić, Tomislav Mandić i Isak Ramo.

Prema evidenciji Stručne službe, sjednici prisustvuje 39 delegata što čini većinu pa Dom naroda može raditi i punovažno odlučivati.

Predsjedavajući je podsjetio delegate na preostale tačke dnevnog reda i prešao na rad.

### **8. Nacrt zakona o provođenju odluka sudova**

Vlada Federacije Bosne i Hercegovine je utvrdila i dostavila Nacrt zakona o provođenju odluka sudova.

Predstavnički dom Parlamenta Federacije Bosne i Hercegovine je na 12. sjednici održanoj 23.6.2020. godine razmatrao je i Zaključkom prihvatio Nacrt zakona o provođenju odluka sudova.

Nacrt zakona je obrazložila predstavnica Vlade Federacije BiH Meliha Mujezinović Katana.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 41 glasom za usvojio sljedeći

### **ZAKLJUČAK**

1. Dom naroda Parlamenta Federacije Bosne i Hercegovine prihvata Nacrt zakona o provođenju odluka sudova i smatra da može poslužiti kao dobar temelj za izradu Prijedloga zakona.
2. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije koje budu dostavljene na ovaj Nacrt zakona.

### **9. Nacrt zakona o izmjenama i dopunama Zakona o cestovnom prijevozu Federacije Bosne i Hercegovine**

Vlada Federacije Bosne i Hercegovine je utvrdila i dostavila Nacrt zakona o izmjenama i dopunama Zakona o cestovnom prijevozu Federacije Bosne i Hercegovine.

Predstavnički dom Parlamenta Federacije Bosne i Hercegovine je na 13. sjednici održanoj 28.7.2020. godine razmatrao je i Zaključkom prihvatio Nacrt zakona o izmjenama i dopunama Zakona o cestovnom prijevozu Federacije Bosne i Hercegovine.

Nacrt zakona je obrazložio predstavnik Vlade Federacije BiH Željko Matac.

U raspravi su učestvovali: Ivo Tadić, Elmedin Konaković i Zdenka Džambas.

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine nije prihvatio Nacrt zakona o izmjenama i dopunama Zakona o cestovnom prijevozu Federacije Bosne i Hercegovine, jer je 41 delegat bio uzdržan.

## **10. Prijedlog odluke o davanju saglasnosti za Finansijski plan Zavoda za transfuzijsku medicinu Federacije Bosne i Hercegovine za 2020. godinu**

Vlada Federacije Bosne i Hercegovine je utvrdila i dostavila tekst Prijedloga odluke o davanju saglasnosti za Finansijski plan Zavoda za transfuzijsku medicinu Federacije Bosne i Hercegovine za 2020. godinu, radi davanja saglasnosti.

Predstavnički dom Parlamenta Federacije Bosne i Hercegovine je na 13. sjednici održanoj 28.7.2020. godine donio Odluku o davanju saglasnosti na Finansijski plan Zavoda za transfuzijsku medicinu Federacije Bosne i Hercegovine za 2020. godinu. Tom prilikom, Predstavnički dom je donio Zaključak.

Prijedlog odluke je obrazložila predstavnica Zavoda za transfuzijsku medicinu Federacije BiH Jasminka Kurilić.

U raspravi su učestvovali: Fahrudin Skopljak i Dragan Stevanović.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 41 glasom za donio Odluku o davanju saglasnosti na Finansijski plan Zavoda za transfuzijsku medicinu Federacije Bosne i Hercegovine za 2020. godinu.

Potom se pristupilo glasanju o Zaključku koji je predložio Fahrudin Skopljak u ime Odbora za ekonomsku i razvojnu politiku, finansije i budžet Doma naroda.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 42 glasa za usvojio sljedeći

### **ZAKLJUČAK**

Dom naroda Parlamenta Federacije Bosne i Hercegovine sugerira Vladi Federacije Bosne i Hercegovine da, prilikom izrade Rebalansa Budžeta Federacije BiH za 2020. godinu, pokuša iznaći sredstva u iznosu od 375.000 KM koja bi se usmjerila Zavodu za transfuzijsku medicinu Federacije Bosne i Hercegovine za nabavu opreme.

## **11. Prijedlog odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta registracije nekretnina - dodatno finansiranje**

Vlada Federacije Bosne i Hercegovine je utvrdila i dostavila tekst Prijedloga odluke o prihvatanju zaduženja po Sporazumu o zajmu između Bosne i Hercegovine i

Međunarodne banke za obnovu i razvoj (IBRD) za realizaciju Projekta registracije nekretnina - dodatno finansiranje.

Predstavnički dom Parlamenta Federacije Bosne i Hercegovine je na 13. sjednici održanoj 28.7.2020. godine donio Odluku o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta registracije nekretnina - dodatno finansiranje.

Prijedlog odluke je obrazložio predstavnik Vlade Federacije BiH Vedad Nezirić.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 36 glasova za donio Odluku o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta registracije nekretnina - dodatno finansiranje.

## **12. Prijedlog odluke o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj (EBRD) za realizaciju Projekta „Javni prevoz Sarajevo“ - Dio 2**

Vlada Federacije Bosne i Hercegovine je utvrdila i dostavila tekst Prijedloga odluke o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj (EBRD) za realizaciju Projekta „Javni prevoz Sarajevo“- Dio 2.

Predstavnički dom Parlamenta Federacije Bosne i Hercegovine je na 10. sjednici održanoj 29.1.2020. godine donio Odluku o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj (EBRD) za realizaciju Projekta „Javni prevoz Sarajevo“ - Dio 2.

Prijedlog odluke su razmatrala nadležna radna tijela i dostavila svoje izvještaje.

Prijedlog odluke je obrazložio predstavnik Vlade Federacije BiH Vedad Nezirić.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 38 glasova za i jednim suzdržanim glasom usvojio Prijedlog odluke o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj (EBRD) za realizaciju Projekta „Javni prevoz Sarajevo“ - Dio 2.

## **13. Prijedlog odluke o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj (EBRD) za realizaciju Projekta gradskih saobraćajnica Sarajevo**

Vlada Federacije Bosne i Hercegovine je utvrdila i dostavila tekst Prijedloga odluke o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj (EBRD) za realizaciju Projekta gradskih saobraćajnica Sarajevo.

Predstavnički dom Parlamenta Federacije Bosne i Hercegovine je na 13. sjednici održanoj 28.7.2020. godine donio Odluku o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj (EBRD) za realizaciju Projekta gradskih saobraćajnica Sarajevo.

Prijedlog odluke je obrazložio predstavnik Vlade Federacije BiH Vedad Nezirić.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 38 glasova za, jednim suzdržanim i jednim glasom protiv donio Odluku o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj (EBRD) za realizaciju Projekta gradskih saobraćajnica Sarajevo.

#### **14. Prijedlog odluke o prihvatanju zaduženja po Ugovoru o finansiranju između Bosne i Hercegovine i Europske investicijske banke (EIB) za realizaciju Projekta Koridor Vc - Središnji dio**

Vlada Federacije Bosne i Hercegovine je utvrdila i dostavila tekst Prijedloga odluke o o prihvatanju zaduženja po Ugovoru o finansiranju između Bosne i Hercegovine i Europske investicijske banke (EIB) za realizaciju Projekta Koridor Vc - Središnji dio.

Predstavnički dom Parlamenta Federacije Bosne i Hercegovine je na 13. sjednici održanoj 28.7.2020. godine donio Odluku o prihvatanju zaduženja po Ugovoru o finansiranju između Bosne i Hercegovine i Europske investicijske banke (EIB) za realizaciju Projekta Koridor Vc - Središnji dio.

Prijedlog odluke je obrazložio predstavnik Vlade Federacije BiH Vedad Nezirić.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 37 glasova za i tri suzdržana glasa usvojio Prijedlog odluke o o prihvatanju zaduženja po Ugovoru o finansiranju između Bosne i Hercegovine i Europske investicijske banke (EIB) za realizaciju Projekta Koridor Vc - Središnji dio.

#### **15. Prijedlog rezolucije o prevenciji, smanjenju i suzbijanju COVID - 19 u Federaciji BiH**

Prijedlog rezolucije o prevenciji, smanjenju i suzbijanju COVID - 19 u Federaciji BiH je utvrdio i obrazložio delegat Vibor Handžić.

U raspravi su učestvovali: Damir Marjanović, Zdenka Džambas, Ivo Tadić, Aner Žuljević, Tomislav Martinović i Dragan Stevanović koji je predložio zaključak u vezi dostave izvještaja o rezultatima borbe protiv korona virusa i strategiji borbe protiv ovog virusa za naredni kvartal.

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine nije usvojio Prijedlog rezolucije o prevenciji, smanjenju i suzbijanju COVID - 19 u Federaciji BiH, jer je za glasalo 25 delegata a 15 delegata je bilo suzdržano.

Potom se glasalo o Prijedlogu zaključka Dragana Stevanovića.

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine nije usvojio Prijedlog zaključka, jer je za glasao 21 delegat a 15 delegata je bilo suzdržano.

## **16. Prijedlog deklaracije o zaštiti rijeka u Federaciji BiH**

Prijedlog deklaracije o zaštiti rijeka u Federaciji BiH je utvrdio i obrazložio delegat Vibor Handžić.

U raspravi nije niko učestvovao.

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine nije usvojio Prijedlog deklaracije o zaštiti rijeka u Federaciji BiH jer je za glasalo 27 delegata a 15 delegata je bilo suzdržano.

## **17. Prijedlog zaključka o pokrenutim inicijativama i postavljenim delegatskim pitanjima na koje nisu dostavljeni odgovori**

Predsjedavajući je predložio da se stavi na glasanje Prijedlog zaključka o pokrenutim inicijativama i postavljenim delegatskim pitanjima na koje nisu dostavljeni odgovori.

U raspravi su učestvovali: Zdenka Džambas, Dragan Stevanović, Boris Krešić i Aner Žuljević.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 40 glasova za usvojio sljedeći

### **ZAKLJUČAK**

Zadužuje se Vlada Federacije Bosne i Hercegovine da naloži federalnim ministarstvima, federalnim zavodima, agencijama i direkcijama da dostave odgovore



na postavljena delegatska pitanja i pokrenute inicijative na koja nisu dostavljeni odgovori u roku od 30 dana.

### **18. Kvartalni izvještaj o dugu Q2/2019**

### **19. Kvartalni izvještaj o dugu Q3/2019**

Vlada Federacije Bosne i Hercegovine je Parlamentu Federacije BiH zbog informiranja dostavila Kvartalni izvještaj o dugu Q2/2019 i Kvartalni izvještaj o dugu Q3/2019.

Predstavnički dom Parlamenta Federacije Bosne i Hercegovine je na 11. sjednici održanoj 19.2.2020. godine primio k znanju ova dva kvartalna izvještaja.

Izvještaje je obrazložio predstavnik Vlade Federacije BiH Besim Pašalić.

U raspravi nije niko učestvovao.

Predsjedavajući je konstatovao da je Dom naroda Parlamenta Federacije BiH primio k znanju Kvartalni izvještaj o dugu Q2/2019 i Kvartalni izvještaj o dugu Q3/2019.

Sjednica je završila sa radom u 15:15 sati.

\* \* \*

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAVAJUĆI

Tomislav Martinović